



21. august 2020

UKA2020/50

Inatsisartut Suleriaasianni § 33 naapertorlugu aalajangiiffisassatut siunnersuut imaattoq matumuuna saqqummiuppara:

Innutasut pisortat ikorsiissutaannik pisartagaqarnissamut¹ Inatsisini piumasaqaataasunik naammassinnitarnersut Kommuunit tamatigut nalilersortarneraat misissorneqarnissanut Naalakkersuisut peqquneqarnissaannik Inatsisartut aalajangiiffisassaaattut siunnersuut. Misissuineq kingusinnerpaamik UKA2021-mi Inatsisartunut agguanneqassaaq.

(Inatsisartunut ilaasortaq Simigaq Heilmann, Demokraatit)

Tunngavilersuut:

Nunatsinni inuppassuit ullaat tamaviisa makillutik suliartortartut imaluunniit atuariartortartut Demokraatinit assut ataqqineqarput. Suliaqarnermikkut inuiaqtigiinnut tunniussaqartaqaat.

Taamatullu aamma inuppassuit napparsimaneq, innarluuteqarneq, utoqqaaneq imaluunniit allanik peqquteqarlutik sulisinnaanngitsut ataqqivagut. Eqimattat taakkua pitsaanerpaamik inuuneqarsinnaanissamut ikorneqassapput.

Ajoraluartumilli illuatungaatigut eqimattanik innuttaqarpugut, peqqissutsikkut sulisinnaangaluarlutik, imaluunniit ilinniarsinnaangaluarlutik, eqiasuinnarlutik suliaqanngitsunik. Eqimattat taakkua tamatta atukkatsinnik ersoqataajumanngillat, tassami tunniussaqarsinnaangaluarlutik – eqiasuinnarpulli. Naammaginannilluinnarpoq tamatsinnullu ataqqinninnginneruvoq.

Inatsisit ullumikkut imatut inisisimapput, inuit Suliffeerunnermi ikorsiissutinik pisatagallit, illuatungaatigulli pisartagaqarnissamut piumasaqaatinik naammassinnitangitsunut pineqaatissiisarnissaq periarfissaavoq. Innutasut pisortat ikorsiissutaannik pisartagaqarnissamut piumasaqaatinik naammassinnitarnersut kommuunit nalilersortartussavaat. Kommuunip nalilerpagu innuttaasoq piumasaqaatinik naammassinninngitsoq, pisortanit ikorsiissutinik pisartagaqarsinnaanngilaq.

§37 tunngavigalugu akissummi² Naalakkersuisut paasissutissiippot Majoriap nalilersornerani ersersimasoq, Majoriami sulianik ingerlatsisut 60 pct.-iisa suliffissaaleqisunut pisussaaffimminnik naammassinninngitsunut pineqaatissiisarnissamut periarfissaq assut akuttunngitsumik imaluunniit akuttunngitsumik atortaraat.³ Taamaallillatalu paasivarput innutasut Suliffeerunnermi ikorsiissutinik pisartagalit, pisartagaqarnissamut piumasaqaatinik naammassinninngikkaangata amerlanertigut pineqaatissiiffingeqartartut. Kisitsisilli suli qaffasinnerusariaqarput.

1 Pisortanit ikorsiissutit pillugit Inatsisartut peqqussutaat nr. 15, 20. november 2006-imeersoq

2 https://ina.gl/documents/para3637/2020/svar/034_2020_offentlighjaelp_SIMH_svar.pdf

3 VIVE (2019); Evaluering af Majoriaq-centrenes arbejdsmarksindsats



§37 tunngavigalugu akissummi tassanerpiaq aamma nalunaarutigineqarpoq Pisortanit ikorsiissutinik pisartagaqarnermi piumasaqaataasunik unioqqutitsisoqartillugu qanoq annertutigisumik kommunit pineqaatissiissuteqartarnersut, Isumaginninnermut Inatsisinillu Atortitsinermut Naalakkersuisoqarfik tigussaasunik aalajangersimasunillu paasisutissaateqanngitsut. Paasisutissat taakkua pisariaqartippagut. Aatsaammi paasisutissat piviusut pigigutsigit ajornartorsiutinut iliuuseqarsinnaanngussaagut, soorunami aamma komuunini inatsisit malinneqartarnersut paasisariaqarparput.

Pisortanit ikorsiissutinik pisarnissamut innuttaasut piumasaqaatinik naammassinnittarnersut kommuunit tamatigoortumik nalilersortarneraat Naalakkersuisut qanoq misissusaneraat ammasuutippara. Paasisutissanilli piviusunik pinissaq pisariaqarnersaangaluartoq, kommuunilli utaqqiinnarlutik pisortanit pisartagallinnik nakkutillilluannginnerat ajornartorsiutaasunik pinngortitsisuunersoq paasinissaa aamma pisariaqarpoq.

Pisortanut aningaasaqarnikkut allaffissornikkullu kingunerisassai

Misissuニアq nalilerneqarpoq naammasineqarsinnaassasoq AC- års værkimit affarmik iluitsumilluunniit atuisuunissaa nalilerneqarpoq, tamanna 250.00-500.000 kr. akornanni akeqassasoq nalilerneqarpoq.

Innuussutissarsiørermet aningaasaqarnikkut allaffissornikkullu kingunerisassai

Soqanngilaq

Innuttaasunut aningaasaqarnikkut allaffissornikkullu kingunerisassai

Soqanngilaq.